

<><><><><><>

MHA Mock Drills

गृह मंत्रालय नै राज्यें ते केन्द्र शासत प्रदेशें गी सुरक्षा तैआरिएं दा मूलांकन करने लेई कल "मॉक ड्रिल" कराने लेई आखेआ ऐ। मंत्रालय नै राज्यें गी आखेआ ऐ जे कुसै ब्हाई हमले जां खतरे दी सूरतै च बजाने जाने आले साइरन जिसी घुग्गू बी आखेआ जंदा ऐ, गी चालू स्थिति च रखने ते आम नागरिकें गी बी भ्यास कराइयै तैआर रखने जे हमले दी सूरतै च अपने आप गी बचाने लई केह किश ते कियां करना ऐ। देसै दे 244 चुने गेदे जिलें च गां सतह पर एह अभ्यास कराया जाग। इस सिलसिले च राज्यें दे मुख् सचिवें कन्नै अज्ज केन्द्री गृह सचिव गोविंद मोहन हार अज्ज इक विशेष बैठक बी लाने जा करदे न। एह अभ्यास महत्वपूर्ण ठकाने दी सुरक्षा सनें सुरक्षत बचाह दा बी अभ्यास होग। एह मॉक ड्रिल 22 अप्रैल आले पहलगाम आतंकी हमले दे बाद भारत ते पाकिस्तान बश्कार बनी दी तनोतनी आली स्थिति गी ध्यानै च रखदे होई इक एहतियाती अभ्यास दे तौरा पर कराई जा'रदी ऐ।

<><><><><><>

LoC Firing

भारतीय सेना नै कल रातीं जम्मू कश्मीर कन्नै लगदी कब्जा रेखा पर पाकिस्तानी फौज आस्सेआ कीती गेदी गोलीबारी दा बनकदा परता दित्ता। रक्षा सूत्रें मूजब पाकिस्तानी फौज नै जम्मू कश्मीर दे कुपवाड़ा, बारामुला, पुंछ, राजौरी, मेंढर, नौशेहरा, सुंदरबनी ते अखनूर इलाकें च कब्जा रेखा कोल बिजन कुसै उकसावे दे लौहके थेआरें कन्नै गोलीबारी कीती। भारती फौज नै एहदा तुरत ते बनकदा परता दित्ता। गोलीबारी च कुसै दे बी हताहत होने दी कोई खबर नेई ऐ।

<><><><><><>

LG-Amarnath

उपराज्यपाल मनोज सिन्हा होरें कल श्रीनगर दे पंथा चौक च श्री अमरनाथ जी श्राइन बोर्ड दे दफ्तर ते यात्री निवास दे जारी निर्माण कम्में दा मौके पर जायजा लैता। उनें गी दस्सेआ गेआ जे इस इमारत दिएं चार मंजले दा निर्माण कम्म मुकम्मल होई चुके दा ऐ जिसलै कि बकाया दऊं मंजलें दा कम्म मेद ऐ जे जून म्हीने दे खीरै तगर मुकम्मल होई जाग। उपराज्यपाल हारें कम्मे गी तोड़ चाढ़ने आले गी कम्में दी रफ्तार च तेजी आहन्नने लेई आखेआ तां जे यात्रा शुरू होने कोला पैहले सारे कम्म मुकम्मल होई जान ते यात्रुएं गी सबै सुविधा थोई सकन।

<><><><><><>

Div.Com-Amarnath

जम्मू दे डिवीजनल कमीशनर रमेश कुमार होरें कल श्री अमरनाथ जी दी यात्रा 2025 दे व्यवस्थित संचालन लेई लोकें आस्तै सुविधाएं च बाढ़ा करने ते नमें चला'रदे कम्में च विकास योजना दी समीक्षा लेई इक बैठक दी अध्यक्षता कीती। डिवीजनल कमीशनर होरें जिला प्रशासन ते सरबंघत मैहकमें दे अध्यक्षें गी चला'रदे कम्में गी तौले शा तौले मुकम्मल करोआने दे निर्देश दित्ते। सब्बने डिप्टी कमीशनरें गी आखेआ गेआ ऐ जे ओह इनें चला'रदे कम्में दा मुआयना करन ते समें सिर पूरा होने लेई कम्में दी प्रगति उपपर तक्क रखन।

<><><><><><>

CS-IT

मुख्य सचिव अटल डुल्लू होरें जम्मू कश्मीर दे सब्बने सरकारी मैहकमे च भास्कराचार्य नेशनल इंस्टीच्यूट फॉर स्पेस एप्लीकेशनस एंड जियो इंफोमेटिक्स दा सैहयोग कन्नै शरू कीती गेदिएं सूचना प्रौद्योगिकी सरबंधर पैहलकदमिं दी स्थिति दी समीक्षा कीती। इस दरान उनें लोकें गी बेहतर ढंगे सिर सेवां सुविधा उपलब्ध कराने लेई अपनाई गेदिएं आई.टी आधारित पैहलकदमिं दे बारे च तफसीली जानकारी हासल कीती। उनें BISAG-N दा सरकार दे जतनें च सैहयोग देने लेई आभार बी प्रकट कीता।

<><><><><><>

Accident

पुंछ जिले दी मेंढर तैहसील दे घानी इजाके च इक बस हादसे च दऊं जनें दी मौत होई गई ऐ ते केई दुए दे घायल होने दी खबर ऐ। जानकारी मूजब एह हादसा असलै पेश आया जिसलै इक यात्री बस सड़क परा रूलकियै हेठ इक खड्डे च जाई पेई। हादसे दे तुरत बाद बचाह अभियान शरू कीता गेआ। सीएमओ डॉ. परवेज होरें दऊं जनें दी मौत ते 21एं दे घायल होने दी तस्दीक कीती ऐ। पुलसै मामाला दर्ज करियै हादसे दे कारणों दी जांच शय करी दित्ती ऐ। शरूआती जानकारी मूजब एह हादसा डरैवर दे गड्डी पर काबू नेई रौहने कारण पेश आया ऐ। हासेर जानकारी गी बलगेआ जा;रदा ऐ।

<><><><><><>

DC Reasi

रियासी दिएं डिप्टी कमीशनर निधि मलिक होरें दिल्ली अमृतसर कटड़ा एक्सप्रेस वे पर जारी कम्मै दी प्रगति दा जायजा लैने लेई कल राश्ट्रीय जरनैली शिड़क सरबंधी भारतीय प्राधिकरण एनएचएआई दे अफसरें ते सरबंधत होरने धड़ें दे प्रतिनिधिं कन्नै इक बैठक लाई। डीसी होरें प्राधिकरण गी निर्देश दित्ता जे एक्सप्रेस वे दे कम्में दे चलदे पहाड़ कट्टने ते जिमीं खोदने करी जिनें मकाने च दरेड़ा ओने दी जानकारी ऐ, इत्त सरबंधे च लोड़चदी कारवाई तौले शरू कीती जा। उनें आखेआ जे निर्माण गतिविधिं दरान जेहड़ा कोई बी नुकसान जां समस्या सामने औंदी ऐ ओहदी जिम्मेवारी एनएचएआई दी होग ते उसी सधेरने दा जिम्मा बी ओहदा गै होग।

<><><><><><>

Electrol Rolls

जम्मू कश्मीर दे दऊं विधानसभा हल्के च मतदाता सूचिं गी नमें सिरैया तैआर करने दा कम्म पूरी चाल्ली मुकम्मल होई चुके दा ऐ जिंदे च 77 नंबर नगरोंटा असैबली हल्का ते 27 नंबर बडगाम हल्का शामिल न। एह मतदाता सूचियां पैहली अप्रैल 2023 गी क्वालीफाइंग डेट मन्नदे होई तैआर कीतियां गेइयां न ते कल इनेंगी प्रकाशत बी करी दित्ता गेआ। क्वालीफाइंग डेट ओ तरीक होंदी ऐ जिसी आधार मन्नदे होई मतदाता दी उमर, रिहायश, मजदूरी ते होर दूई जानकारी दर्ज कीती जंदी ऐ। इनें दऊं विधानसभा हल्के च मतदान केन्द्रें दी गिनतरी गी युक्तिसंगत बनाने लेई इंदे च बाद्धा कीता गेआ ऐ। नगरोंटा च 5 ते बडगाम हल्के च 17 होर मतदान केन्द्र बधाए गे न जेहदे बाद उत्थें मतदान केन्द्रें दी कल गिनतरी बिलतरतीव 150 ते 173 होई गई ऐ।

<><><><><><>